

U G O V O R**Rekonstrukcija puta R-445 dionica Semizovac-Podlugovi sekcija Pružni prelaz Donja Vogošća I-Most na rijeci Bosni**

Kanton Sarajevo Ministarstvo saobraćaja, Direkcija za puteve, koju zastupa Adem Zolj, dipl.ing.saob.,(u daljem tekstu: naručilac radova)

i

“Orman” d.o.o. Kiseljak

, koga zastupa direktor Nijaz Orman

(u daljem tekstu: izvođač radova),

U daljem tekstu: ugovorne strane

Član 1.

Ugovorne strane su saglasne da na osnovu završenog tenderskog postupka koji je objavljen u Službenom glasniku BiH br 28/15 od 06.04.2015. godine, godine predmet ovog ugovora je:

Rekonstrukcija puta R-445 dionica Semizovac-Podlugovi sekcija Pružni prelaz Donja Vogošća I-Most na rijeci Bosni

a sve u skladu sa ponudom izvođača radova br. 190/15 od 23.04.2015. god.

Član 2.

Izvođač će izvršiti sve ugovorene obaveze kako je to određeno tenderskom dokumentacijom i ostalim dokumentima koje čine sastavni dio ovog Ugovora.

Član 3.

Izvođač se obavezuje da održava kontinuitet i dinamiku izvršenja svojih obaveza, kako bi se radovi i ostale usluge završile u roku određenim ovim Ugovorom.

Član 4.

Ugovorne strane su saglasne da je ukupna vrijednost radova i usluga koji su predmet ovog Ugovora sa PDV-om iznosi:

428.291,04 KM

(slovima: četiristotinedvadesetosamhiljadadvjestodevedestjedna i 04/100 KM)

Cijena radova neće se mijenjati u toku izvršenja ugovora i ne podliježe bilo kakvim promjenama.

Član 5.

Naručilac posla se obavezuje da će izvođaču cijenu iz člana 4.ovog ugovora platiti po konačno ovjerenim situacijama.

Plaćanje se vrši na račun broj 1610000016540063 kod Raiffeisen bank d.d. Sarajevo.

Član 6.

Izvođač se obavezuje da će radove koji su predmet ovog ugovora završiti za četrdesetpet (45) kalendarskih dana od dana uvođenja u posao.

Sastavni dio ovog ugovora su Opći i Posebni ugovorni uslovi te cjelokupna tenderska dokumentacija sa aneksima. Sastavni dio ovog ugovora je i Garancija izvođača da će ugovor u cjelini ispoštovati sa pravilima struke, zakonskim propisima i tenderskom dokumentacijom.

Izvođač radova garantuje za kvalitet izvedenih radova za period od najmanje dvije godine od dana završetka radova.

Član 7.

U slučaju zakašnjenja izvođenja radova u normalnim uslovima Naručilac će tolerisati Izvođaču prekoračenje roka 2 (dva) dana od ugovorenog roka.

Naručilac naplaćuje ugovornu kaznu umanjenjem predposljedne ili posljednje situacije.

Ispunjenje svojih obaveza iz ovog ugovora izvođač je dužan da obezbjedi sopstvenom unutrašnjom kontrolom kao što je navedeno u Opštim i Posebnim uslovima.

Član 8.

Naručilac poslova ima pravo da vrši stručni nadzor nad radovima izvođača i da na taj način kontroliše kvalitet radova.

Član 9.

Izvođač radova će voditi građevinski dnevnik u dva primjerka od kojih jedan uzima naručilac posla, a drugi ostaje izvođaču.

Građevinska knjiga se vodi u jednom primjerku.

Član 10.

Poslije konačnog obračuna izvođač predaje naručiocu posla građevinsku knjigu.

Sastavni dio ugovora čine Opšti i Posebni ugovorni uslovi te svi aneksi koji se dostavljaju uz tendersku dokumentaciju.

Član 11.

Izvođač radova u svrhu izvršenja ovog ugovora nema pravo zaposliti lica iz člana 39. stav 5. Zakona o javnim nabavkama do isteka roka od 6 mjeseci od dana zaključenja ugovora.

U slučaju nesuglasnosti navedenih dokumenata pri tumačenju ovoga Ugovora, odredbe Posebnih ugovornih uslova imaju prvenstvo nad Opštim ugovornim uslovima, a po tehničkim pitanjima prvenstvo imaju Posebni tehnički uslovi nad Opštim tehničkim pitanjima.

Član 12.

Prava i obaveze ugovornih strana, po ovom Ugovoru u svakom pogledu su regulisana pozitivnim zakonskim propisima BiH.

Član 13.

Ugovor je sačinjen u šest (6) istovjetnih primjeraka, od kojih tri primjerka zadržava Izvođač, a tri primjerka naručilac radova.

IZVOĐAČ:

"Orman" d.o.o. Kiseljak



Nihad Orman,

Sarajevo,

[Handwritten signature]
25.05.2015

NARUČILAC:

Direkcija za puteve Kantona Sarajevo



Adem Zolj, direktor

Adem Zolj, dipl.ing.saob.

Sarajevo,

Broj: 04-14-7448

Datum: 22.05.2015